

# مجموعه ابو الخضر

ماسوا شایه سندن دلی تطهیرہ پالش  
بر تو حکمت و عرفان الیہ تنویرہ آتش

هر ماه عربی ابتدا سیله اون بشده نشر اول نور فنون مجموعہ سیدر .

جزو ۳۲ [ فی ۱۵ ربیع الآخر سنہ ۱۳۰۰ ] [ نسخہ سی ۳ ] فروش

لطائف تاریخیه  
—

فرانسه جزالرنیدن مشهور دوغومیه ناپولیون بوناپارتی یکباشی  
ایکن حریبه مجلسنه کوتوروب شو سوزرله تقدیم وتوصیه ایتشدر :  
افندیلر ! سزه غایت مستعد و ذکی برضابطه تقدیم ایدیورم .  
کندیسی مملکته بیوک خدمتله ایفا ایده جکدر . سز آنک ترقیسنه  
همت ایتز ایسه کز او کندی کندینه همده تصور ایده میه جکمز درجه ده  
رقی ایتک بولنی بیلیر .

بوناپارت مسند حکمدارییه واصل اولدقدن صکره اوائل  
احوالندن بحث ایدرکن « بنی بومرتهیه دوغومیه اصعاد ایتدی .  
زیرا بنم بطانته احوالی کشف ایتکله واصل مقصد اولق ایچون  
هر درلو مواعی پامال ایتک اقتدارینی استعمال ایتکله سبب اولدی . »  
دیمشدر .

سلطان احمد ثالث دورنده فرانسه دولتی نزدینه سفارتله اعزام  
اولنان [ یکریمی سکر محمد افندی ] پارسده برجعت شبانه ده بولندیغی  
صرده معتبران نسوانی سفیرک اطرافته تجععله عثمانلی نسوانی اوزرینه  
بعض سؤالر ایراد ایتکله باشلارلر . نهایت بحثه ارککلر دخی قاریشدرق  
سوزک تعدد زوجاته انتقال ایتمه سیله کبرادن بر مسئله بی علی العمیا تصویر  
ومحاکمه ایتکله قالمشمنندن وحقایق اسلامیه بی بیلان برآدمله بحث ایسه  
ناقابل اولمندن معترض افندی سوزینی بتیردکدن صکره سفیر دیرکه :  
— حقیقه بزل خانه لر مزه لزومندن زیاده قادین جمع ایتکله کندی  
کندمری بیحضور ایدیورز . اولرمزده هیچ کورولدی اکسک  
اولیور . باقکز سزک عادتکز نه قدر کوزلدر . اولر کزده چیت یوق .  
هرکس حرمنی دوستک خانه سنده بولیور .

فرانسه ادباسندن [شام فور] غزنه ل واسطه سیله علنی مجادله  
ایدن (ادیلر) ه خطاباً دیر ایش که :

— افندیلر! سواقده غوغا ایتیکز! احق لک هپسی بنجره لره  
چیقوب غوغا کزی سیراید و یکدیگر کزه ایتدیکگز التفاتلری ایشیدیرلر.

پروسیا قرالی مشهور بیوک فره دریق اثنای محاربه ده بر موقع  
مستحکم اوزرینه آلایلرندن برینی آلتی دفعه هجوم ایتدیردیکی حالده  
آلتی دفعه سنده دخی عسکر رجعتدن بشقه بر نمره کوستره مدکدن بشقه  
عمومنده بر دن مترددانه برطور کورنسی اوزرینه فره دریق پر حدت  
همان بولندیغی محلدن عسکرک یانه قوشه رق « نه تردد ایدیورسکز!  
قیامته قدر یشامقی ایتدیورسکز! » دبه عتاب ایش و بوسوز اوزرینه  
عسکر خوابدن بیدار اولورجه سنه یکیدن کندینه کله رک یدنجی هجومده  
موقعی ضبط ایشدر .

[حامی] عنوانیله انکلیزده حکومت ایدن مشهور قروموه ل  
اسقوچیا ده بولندیغی صروده لوندره پارلمنتوسنک کندیسنی باش قوما-  
ندانلقدن عزل ایتدیرمک تشبهنده بولندیغنی استخبار ایله سرعتله  
لوندریه عودت ایدره ک پارلمنتوی طاغثدقن صکره ایله دائره  
قبوسنی قیامش و اوزرینه « کرایه ویریه جک واسع بر خانه » عباره سنی  
حاوی بر لوحه تعلیق ایتدیرمشدر .